

شورا نامہ بہ غیر یہودیائی کی ایماندار بید

۲۲ بزین رسولان و مشایخ، توماّم کلیسا اعضا امرأ تصمیم بیگفتیدی کی جہ خوشان میان مردا کانی ی انتخاب بوکونید کی پولس و برنابا امرأ اوسہ کونید انطاکیہ. سیلاس و یہودای کی برسابا نام داشتی انتخاب بوکودیدی کی ایمانداران میانی رہبر بید. ۲۳ پس ایتا نامہ اورشلیم شورا رہ بینیوشتیدی و فدیدی پولس و اون ہمراہان دس کی متن نامہ اطوی بو:

«جہ امان رسولان و مشایخ، شیمی براران، بہ براران ایماندار غیر یہودی انطاکیہ، سوریہ و کیلیکیہ، سلام! ۲۴ بیشنوستیم کسانی جہ امی میان بدون ان کی دستوری جہ امان بدارید، بموییدی خوشان غلط گبان امرأ شمر دیل نیگران و پریشان خاطر بوکودیدی. ۲۵ هنّ وستی امان یکدیلی امرأ یهودا و سیلاس انتخاب بوکودیم و اوشان امی عزیزان، برنابا و پولس امرأ شیمی ورجہ اوسہ کودیم، ۲۶ پولس و برنابا کی خوداوند مسیح نام وستی، جہ خوشان جان بوگوذشتیدی. ۲۷ پس یهودا و سیلاس اوسہ کودیم کی شمر خوشان گبان امرأ آگاہ بوکونید. ۲۸ روح القدس کومک امرأ، امان اطو مصلحت بیدہیم کی شیمی دوش سر، باری نیم جز چیزانی کی شومان و دوری بوکونید: ۲۹ جہ خوردن قربانی ی بت پرستان و خون و گوشت حیواناتی کی خفہ بوستیدی و بی عفتی ی آدمان. آگہ آکاران نوکونید، کار پسندیدہ بوکودیدی. خودا ہمہ تان شمر بدارہ.»

۳۰ پس اوشان راہ دکتیدی، بوشویدی به انطاکیہ. اویہ کلیسا اعضای دوز ہم جمع کودید و نامہی فدیدی اوشان دس. ۳۱ کلیسا اعضا، نامہی دیلگرم کونندہی بخواندیدی و اشان دیلان شاد بوستہ. ۳۲ یهودا و سیلاسم کی جہ روح القدس عطای نبوت داشتیدی، گبان زیاد امرأ، ایمانداران تشویق و تقویت بوکودیدی. ۳۳ پس ایتا مدت انطاکیہ بیسہیدی و بعد اون ایمانداران انطاکیہ، اوشان به سلامتی اوسہ کودیدی کی واگردید بیشید اورشلیم ایمانداران ورجہ، کسان کی اوشان مأموریت فده بید. ۳۴ ولی پولس و برنابا انطاکیہ میان بیسہیدی ۳۵ و انطاکیہ ایمانداران امرأ به تعلیم و بشارت خوداوند کلام مشغول بوستیدی.